



Na osnovu člana 16. stav (2) Pravilnika o ostvarivanju prava na finansijska sredstva za pomoć u rješavanju stambenih potreba branilaca i članova njihovih porodica, broj: UP1-15/1-02-011367/23 od 03.04.2023. godine i Odluke Ministarstva za boračka pitanja, broj: D-15/1-37-007855-23 od 03.04.2023. godine, Ministarstvo za boračka pitanja Tuzlanskog kantona, raspisuje

JAVNI OGLAS

**za podnošenje prijave na finansijska sredstva za pomoć u rješavanju stambenih potreba
branilaca i članova njihovih porodica u 2023. godini
na području Tuzlanskog kantona u gradu/općini _____**

I Korisnici prava

Pravo učešća po ovom oglasu shodno odredbama Pravilniku o pravu na pomoć u rješavanju stambenih potreba branilaca i članova njihovih porodica, broj: D-15/1-02-008681-22 od 11.04.2022. godine (u daljem tekstu: Pravilnik) ima:

- lice iz člana 1. stav (1) Zakona o dopunskim pravima branilaca i članova njihovih porodica, drugi prečišćeni tekst („Službene novine Tuzlanskog kantona“, broj: 10/20 i 14/22, u daljem tekstu: Zakon),
- lice iz člana 4. Zakona.

(2) Pravo podnošenja prijave za učešća na oglasu ima i lice u statusu: supruge umrlog RVI, supruge umrlog dobitnika ratnog priznanja i odlikovanja (u daljem tekstu: DNRP) i supruge umrlog demobilisanog branioca (u daljem tekstu: DB).

(3) Za lica iz stava (2) ove tačke dokaz o vlasništvu/posjedu na zemljištu i građevinska dokumentacija mora glasiti na umrlog ratnog vojnog invalida/ dobitnika ratnog priznanja i odlikovanja /demobilisanog branioca odnosno na podnosioca prijave

II Uslovi za ostvarivanje prava na dodjelu finansijskih sredstava u svrhu rješavanja stambenih potreba branilaca i članova njihovih porodica

Pravo na dodjelu finansijskih sredstava u svrhu rješavanja stambenih potreba branilaca i članova njihovih porodica (u daljem tekstu: jednokratna pomoć), lice može ostvariti pod uslovom da:

- a) ima stalno mjesto prebivališta na području Kantona,
- b) ostvaruje pravo iz oblasti branilačko invalidske zaštite na području Kantona,
- c) ukupni mjesečni prihodi po članu uže porodice ne prelaze 40,01 % prosječne neto plate ostvarene u prethodnoj godini na području FBiH, prema podacima Zavoda, izuzev lica koja su u statusa samca i ostvaruju pravo na minimalnu PIO penziju,
- d) posjeduje valjanu dokumentaciju propisanu ovim Pravilnikom za učešće u ovom postupku i
- e) rješava stambene potrebe na području Kantona.

III Ograničenje za ostvarivanje prava na dodjelu jednokratne pomoći

(1) Pravo na jednokratnu pomoć po Pravilniku i ovom oglasu nemaju sljedeći korisnici prava iz tačke I ovog Oglasa (u daljem tekstu: lice):

a) čiji ukupni mjesečni prihodi po članu domaćinstva prelaze 40% prosječne neto plate ostvarene u prethodnoj godini na području Federacije Bosne i Hercegovine (u daljem tekstu: FBiH), prema podacima Zavoda za statistiku u Federaciji Bosne i Hercegovine (u daljem tekstu: Zavod), izuzev lica koja su u statusa samca i ostvaruju pravo na minimalnu PIO penziju ili

b) koje je vlasnik ili posjednik kuće porodične stambene zgrade ili stana koji je otkupljen po osnovu Zakona o prodaji stanova na kojima postoji stanarsko pravo ili bilo kojim drugim pravnim poslom (ugovor o

kupovini, ugovor o poklonu, itd) ili takav stan odnosno porodičnu stambenu zgradu koji zadovoljavaju stambene potrebe, posjeduje njegov član uže porodice ili

c) koje je ranije ostvarilo pravo na pomoć u stambenom zbrinjavanju po ranijim programima i prethodno važećim pravilnicima, uredbama i odlukama ovoga Ministarstva u bilo kom iznosu ili

d) koje je dobilo donaciju od općine ili kantona ili FBiH ili humanitarne organizacije u svrhu stambenog zbrinjavanja prijeratnom ili sadašnjem mjestu prebivališta i sa istim riješio stambene potrebe ili

e) koje je vlasnik ili posjednik nedovršenog stambenog objekta čija je stambena površina veća za 50% od stambene površine utvrđene stavom (4) ovog Poglavlja Oglasa za objekte izgrađene poslije 23.12.1996. godine ili

f) koje živi kod roditelja ili stanuje sa roditeljima i koristi stambeni prostor površine, veći od prostora utvrđenim poglavljem III stav (4) ovog Oglasa ili

g) koje ima u vlasništvu jedan ili više poslovnih prostora, izuzev poslovnog prostora u kojem obavlja djelatnost iz koje obezbjeđuje uslove za egzistenciju svojoj porodici ili

h) kojem je dodijeljena novčana pozajmica za otvaranje radnog/ih mjesta i novčana pozajmica za rješavanje stambenih potreba, a nije uredno izvršio povrat dodijeljenih sredstava ili ne izvršava redovno preuzete obaveze vraćanja dodijeljenih sredstava, do izmirenja svojih obaveza po tom osnovu ili

i) koje traže sredstva za radove koji se smatraju redovnim investicionim održavanjem objekta.

(2) Pod redovnim investicionim održavanjem objekta u smislu stava (1) tačka g) ovog člana, podrazumjeva se zamjena: stolarije, podova, sanitarnih elemenata, oluka i elektro i vodovodnih instalacija u objektu.

(3) Izuzetno od stava (1) tačka c) i d) ove tačke, pravo na novu jednokratnu pomoć po ovom oglasu ima lice, pod uslovom da je objekat devastiran, uništen ili oštećen usljed prirodnih nepogoda izazvanih katastrofama, odnosno ljudskim djelovanjem, a nakon ranijeg ostvarivanja prava na jednokratnu pomoć.

(4) Pravo na dodjelu sredstava takođe nema:

a) lice (samac) - koje je vlasnik ili posjednik stambenog prostora površine preko 45 m²,

b) porodica od 2 člana - od kojih je neko vlasnik ili posjednik stambenog prostora površine preko 55 m²,

c) porodica od 3 člana - od kojih je vlasnik neko ili posjednik stambenog prostora površine preko 65 m²,

d) porodica od 4 člana - od kojih je neko vlasnik ili posjednik stambenog prostora površine preko 75 m²,

e) porodica od 5 članova - od kojih je neko vlasnik ili posjednik stambenog prostora površine preko 75 m² i 80

f) za svakog sledećeg člana porodice dodatnih 10 m².

(5) U smislu Pravilnika smatra se stambeno riješenim lice koje je vlasnik ili posjednik stambenog prostora površine iz iz prethodnog stava sa minimalnim uslovima stanovanja, odnosno čiji je bračni drug ili član uže porodice vlasnik takvog prostora.

IV Namjena jednokratne pomoći

(1) Finansijska sredstva za jednokratnu pomoć mogu se odobriti za:

a) sanaciju i rekonstrukciju stambenog objekta (u daljem tekstu: objekat), kod kojeg je potrebno izvođenje građevinskih radova kojima se saniraju ili mijenjaju nosivi konstruktivni elementi,

b) završetak izgradnje započetog objekta izgrađenog do horizontalne konstrukcije (ploča) koji nije pokriven i nema krovnu konstrukciju,

c) završen i pokriven objekat, sa urađenim grubim radovima, bez ostalih unutrašnjih završnih i instalaterskih radova, kojima se neuseljivi dio objekta dovodi u funkciju minimalnih uslova stanovanja i

d) naknadu učinjenih izdataka na objektu usljed štete nastale zbog prirodnih ili drugih nesreća, s tim da dokazi o izdacima potiču iz perioda nakon zaključenja oglasa iz prethodne godine, počev od **28.04.2022. godine**, a najkasnije do zaključivanja ovog oglasa.

(2) Izuzetno od stava (1) ovog člana, lice u statusu ratnog vojnog invalida (u daljem tekstu: RVI) sa 60 i više procenata vojnog invaliditeta, kod kojeg je nastupilo oštećenje organizma donjih ekstremiteta, ima pravo na podnošenje prijave u svrhu prilagođavanja kupatila, u kući ili stanu, potrebama RVI.

(3) Pod nosivim konstruktivnim elementima iz stava (1) tačka a) podrazumjevaju se: temelji, nosivi zidovi, međuspratna konstrukcija, grede, stubovi, stepenište i krov objekta.

(4) Pod minimalnim uvjetima stanovanja, u smislu stava (1) tačka c), smatra se opremljen prostor namijenjen za stanovanje (soba, kuhinja, kupaonica, hodnik) u kojem boravi porodica odnosno domaćinstvo.

V Visina jednokratne pomoći

Iznos jednokratne pomoći koji se po ovom Pravilniku može odobriti, u direktnoj je vezi sa članom 21. stav (3) Pravilnika i odobrava se najviše do 8.000,00 KM (slovima: osam hiljada i 00/100 KM) odnosno do iznosa učinjenih izdataka iz člana 4. stav (1) tačka d) ali ne preko utvrđenog maksimalnog iznosa od 8.000,00 KM i odobrava se u iznosima kako slijedi:

- a) za sanaciju i rekonstrukciju objektado 8.000,00 KM,
- b) za završetak izgradnje započetog objekta do horizontalne konstrukcije (ploča) koji nije pokriven i nema krovnu konstrukciju.....do 7.000,00 KM,
- c) završen i pokriven objekat, sa urađenim grubim radovima, bez ostalih unutrašnjih završnih i instalaterskih radova, kojima se neuseljivi dio objekta dovodi u funkciju minimalnih uslova stanovanja..... do 6.000,00 KM,
- d) za naknadu učinjenih izdataka na objektu usljed štete nastale zbog prirodnih ili drugih nesreća do 5.000,00 KM i
- e) prilagođavanje kupatila za RVI sa 60 i više procenata vojnog invaliditetado visine utvrđenih troškova, a ne preko 4.000,00 KM

VI Ugovor

(1) Na osnovu konačne rang liste Ministarstvo zaključuje ugovor sa licem kojem su odobrena sredstva.

(2) Sredstva odobrena za jednokratnu pomoć licu se mogu isplatiti tek kada potpiše ugovor kojim se obavezuje da će ista utrošiti namjenski za stambeno zbrinjavanje prema podnesenoj prijavi i u skladu sa sačinjenim zapisnikom lica građevinske struke.

(3) U slučaju smrti lica nakon zatvaranja oglasa, odobrena sredstva se mogu isplatiti članovima porodičnog domaćinstva iz člana 12. stav (3) Pravilnika, nakon provedenog ostavinskog postupka.

(4) Lice koje najkasnije u roku od 30 dana od dana isticanja liste iz stava (1) ovog člana ne potpiše ugovor, smatra se da je odustao od sredstava za jednokratnu pomoć i gubi pravo na realizaciju sredstava, izuzev u slučaju kada iz opravdanih razloga nije u mogućnosti potpisati ugovor o čemu dostavlja dokaz.

VII Način isplate jednokratne pomoći

(1) Sredstva odobrena za jednokratnu pomoć za situacije tačke iz poglavlja IV ovog oglasa, tačke a), b) i c) poslovna banka isplaćuje licu u dvije rate.

(2) Prva rata licu se isplaćuje odmah na način da se 50% odobrenih sredstava realizuje plaćanjem (pro) faktura za trebovani građevinski materijal.

(3) Preostalih 50% odobrenih sredstava isplaćuje se gotovinski u dvije podrate, od čega ½ odmah, a druga ½ isključivo na osnovu zapisnika o utvrđenom namjenskom utrošku prethodno doznačenih sredstava sačinjenog od Službe.

(4) Sredstva odobrena za jednokratnu pomoć za situacije poglavlja IV ovog oglasa tačka d) poslovna banka uplaćuje na račun lica.

VIII Popis potrebne dokumentacije uz prijavu za dodjelu finansijskih sredstava za pomoć u rješavanju stambenih potreba branitelja i članova njihove porodice

I OPŠTA DOKUMENTACIJA

PRILOG

**Popis potrebne dokumentacije
uz prijavu za dodjelu finansijskih sredstava za pomoć u rješavanju stambenih potreba branitelja i
članova njihove porodice**

Redni broj:	Naziv dokumenta	Organ koji izdaje dokument	Ko pribavlja dokumentaciju
1.	Prijava za dodjelu finansijskih sredstava za pomoć u rješavanju stambenih potreba branilaca i članova njihovih porodica (Anex I)	Ministarstvo za boračka pitanja TK	Podnosilac prijave
2.	Kućna lista podnosioca prijave u kojoj su navedeni <u>članovi uže porodice</u> (<i>član uže porodice je: bračni partner, vanbračni partner, djeca rođena u braku i van braka, usvojena djeca i pastorčad na redovnom školovanju, a najkasnije do navršene 25-te godine života, odnosno, koje je nesposobno za privređivanje, ukoliko je nesposobnost za privređivanje nastupila prije navršene 15-te godine života, odnosno, 25-te godine ukoliko se nalazilo na redovnom školovanju</i>), (original ili ovjerena fotokopija),	Gradska/Općinska služba za opću upravu i društvene djelatnosti	Podnosilac prijave
3.	Dokaz o pripadnosti branilačkoj populaciji: a) za članove PŠ-PB - uvjerenje Službe o statusu b) za RVI - kumulativno priložiti dva dokaza i to 1. uvjerenje Službe o stepenu invaliditeta i 2. kopija nalaz i mišljenje revizije ljebarske komisije c) za dobitnika ratnog priznanja i odlikovanja –kumulativno priložiti dva dokaza i to: 1. uvjerenje Službe o statusu i 2. dokaz iz tačke a, b) ili d) d) za DB dokaz o pripadnosti branilačkoj populaciji - uvjerenje koje izdaje nadležni organ odbrane, (<i>dokumenti pod a) ili c) moraju biti dostavljeni kao original ili ovjerena fotokopija</i>), NAPOMENA: <i>Ukoliko podnosilac prijave, ima člana uže porodice koji je takođe bio učesnik rata i koji živi sa njim u kućnom domaćinstvu, dokaz u zavisnosti od pripadnosti boračkoj kategoriji</i>	Gradska/Općinska služba za boračko invalidsku zaštitu (tačke a), b) i c) Grupa za vojna pitanja	Gradska/Općinska služba nadležna za boračko invalidsku zaštitu tačke a), b) i c) Podnosilac prijave (tačka d) Podnosilac prijave (tačka e)
4.	Dokaz o zaposlenju <u>svih članova uže porodice</u> i visini stalnih izvora prihoda, a isto podrazumjeva: a) posljednja platna lista ovjerena potpisom i pečatom poslodavca ili uvjerenje poslodavca o visini posljednje plate (original ili ovjerena fotokopija), ili b) za lica koja imaju registrovanu samostalnu djelatnost, kumulativno: 1. obrazac 2002 o plaćenim doprinosima, za poslednja tri mjeseca i 2. GPD i SPR obrasci godišnje prijave. (original ili ovjerena fotokopija), ili c) ček od PIO penzije	Organ /ustanova/preduzeće gdje je lice zaposleno ili Poslovnica PIO /MIO Gradska/Općinska služba za boračko invalidsku zaštitu za tačku b)	Podnosilac prijave Za tačke a),c) i d) Gradska/Općinska služba za boračko invalidsku zaštitu za tačku b)

5.	Uvjerenje službe za zapošljavanje za sve nezaposlene članove uže porodice, a ukoliko se isti ne vode na evidenciji službe za zapošljavanje, uvjerenje iz ispostave porezne uprave za sve nezaposlene članove uže porodice kao dokaz o statusu nezaposlenosti, (original ili ovjerena fotokopija koja mora datirati iz perioda trajanja oglasa)	Služba za zapošljavanje ili Porezna uprava FBiH Ispostave porezne uprave	Podnosilac prijave
6.	Uvjerenje o redovnom školovanju djece u srednjeobrazovnim i visokoobrazovnim ustanovama (original ili ovjerena fotokopija),	Javne srednjeobrazovne i visokoobrazovne ustanove	Podnosilac prijave
7.	Dokaz o zdravstvenom stanju podnosioca prijave ili člana uže porodice izdat od strane ovlaštene zdravstvene ustanove, ne stariji od šest mjeseci samo za sledeća oboljenja: <u>a) respiratorne bolesti:</u> bolesti pluća praćene trajnim oštećenjem respiratorne funkcije (sa vrijednostima FVC, FEV 1 I FEV 1- FVC ispod 40%,); apsces pluća i medij astinuma, pitorax i respiratorni distress sindrom; <u>b) bolesti koštano - mišićnog sistema i vezivnog tkiva:</u> direktna infekcija zglobova kod infektivnih i parazitskih oboljenja, seropozitivni reumativni artritis kada je bolesnik nesposoban za bilo kakve aktivnosti ili vezan za postelju i invalidska kolica, ankilozirajući spondilitis, protruzija intervertebralnog diskusa praćene komplikacijama (težim funkcionalnim oštećenjem nerava, mišića, popuštanjem sfinktera) zahtijevaju intezivan i dugotrajan tretman, kao i bolesti koje uzrokuju ozbiljne funkcionalne smetnje i lokomotornog aparata, vežu bolesnika za postelju i trajno ga onemogućavaju u svakodnevnim radnim aktivnostima); <u>c) neuromišićne bolesti:</u> progresivna neuromišićna oboljenja, multipla skleroza, mijastenija gravis, epilepsija nekontrolisana ili rezistentna na terapiju i nezarazni encefalitis i encefalomijalitis; <u>d) specifična stanja koja zahtijevaju skupi i doživotni tretman:</u> transplantacije organa, transplantacija koštane srži, stanja poslije operativnih zahvata na srcu, mozgu i plućima koja zahtijeva duže bolničko liječenje, rehabilitaciju i intenzivni medikamentozni tretman, <u>e) ostala oboljenja:</u> infarkt (srčani ili moždani) i maligni tumori) i mentalna retardacija i cerebralna paraliza	JZU UKC ili druge zdravstvene ustanove	Podnosilac prijave

	f) kao i stanja poslije drugih operativnih zahvata, a koja zahtijevaju duže bolničko liječenje, rehabilitaciju i intenzivni medikamentozni tretman, najkasnije u roku od tri godine nakon operativnog zahvata. <i>(original ili ovjerena fotokopija),</i>		
8.	Dokaz da je održana ostavinska rasprava iza poginulog, umrlog ili nestalog branitelja <i>(original ili ovjerena fotokopija),</i>	Općinski / kantonalni sud ili Notarski ured	Podnosilac prijave
9.	Izjava ovjerena u nadležnoj gradskoj/općinskoj službi ili kod notara da podnosilac prijave i svi članovi uže porodice nisu vlasnici niti suvlasnici drugih nekretnina (kuća/stan) na području BiH, izuzev one za koju je podnijeta prijava za dodjelu jednokratne pomoći	Gradska/Općinska služba za opću upravu i društvene djelatnosti	Podnosilac prijave
10.	Za samce: 1. Izvod iz matične knjige rođenih i 2. Izjava o postojanju/nepostojanju vanbračne zajednice <i>(original ili ovjerena fotokopija),</i>	Gradska /Općinska služba za opću upravu i društvene djelatnosti	Podnosilac prijave
11.	Uvjerenja o posjedovanju/neposjedovanju kuće za punoljetne članove uže porodice <i>(original ili ovjerena fotokopija),</i>	Gradska/Općinska Služba za geodetske i imovinsko pravne poslove	Gradska/Općinska služba nadležna za boračko invalidsku zaštitu
12.	Izjava ovjerena od strane nadležnog gradskog/općinskog organa uprave ili notara (Anex III) <i>(original)</i>	Ministarstvo za boračka pitanja TK	Podnosilac prijave

Lice je obavezno pored opšte dokumentacije iz tačke I priložiti i posebnu dokumentaciju neophodnu za odlučivanje, zavisno od vrste prijave:

II POSEBNA DOKUMENTACIJA

Redni broj:	Način stambenog zbrinjavanja	Naziv dokumenta	Organ koji izdaje dokument
a)	Sanacija i rekonstrukcija stambenog objekta, kod kojeg je potrebno izvođenje građevinskih radova kojima se saniraju ili mijenjaju nosivi konstruktivni elementi	1. kopija katastarskog plana i 2. posjedovni list (oba dokumenta kumulativno pod uslovom da isti glase na podnosioca prijave ili člana uže porodice, izuzetno na lice koje je u krvnom srodstvu u pravoj liniji prvog stepena sa podnosiocem prijave) ili zemljišnoknjižni izvadak ili rješenje o odobrenju za građenje ili rješenje o naknadnom odobrenju za građenje	-Gradska/Općinska služba za geodetske i imovinsko pravne poslove ili -Zemljišnoknjižni ured nadležnog suda -Gradska/Općinska služba za urbanizam i građevinarstvo ili -Lična arhiva
b)	Završetak izgradnje započetog	1. kopija katastarskog plana i	

	objekta izgrađenog do horizontalne konstrukcije (ploča) koji nije pokriven i nema krovnu konstrukciju,	2. posjedovni list (oba dokumenta kumulativno pod uslovom da isti glase na podnosioca prijave ili člana uže porodice, izuzetno na lice koje je u krvnom srodstvu u pravoj liniji prvog stepena sa podnosiocem prijave) ili rješenje o odobrenju za građenje ili rješenje o naknadnom odobrenju za građenje /	- Gradska/Općinska služba za urbanizam i građevinarstvo ili - Lična arhiva
c)	Završen i pokriven objekat, sa urađenim grubim radovima, bez ostalih unutrašnjih završnih i instalaterskih radova, kojima se neuseljivi dio objekta dovodi u funkciju minimalnih uslova stanovanja	1. kopija katastarskog plana i 2. posjedovni list (oba dokumenta kumulativno pod uslovom da isti glase na podnosioca prijave ili člana uže porodice, izuzetno na lice koje je u krvnom srodstvu u pravoj liniji prvog stepena sa podnosiocem prijave) ili zemljišnoknjižni izvadak ili rješenje o odobrenju za građenje ili rješenje o naknadnom odobrenju za građenje	- Gradska/Općinska služba za urbanizam i građevinarstvo ili - Lična arhiva
d)	Naknada učinjenih izdataka na objektu usljed štete nastale usljed prirodnih ili drugih nesreća	1. kopija katastarskog plana i 2. posjedovni list (oba dokumenta kumulativno pod uslovom da isti glase na podnosioca prijave ili člana uže porodice, izuzetno na lice koje je u krvnom srodstvu u pravoj liniji prvog stepena sa podnosiocem prijave) ili zemljišnoknjižni izvadak ili rješenje o odobrenju za građenje ili rješenje o naknadnom odobrenju za građenje, <u>Dodatna dokumentacija:</u> Zapisnik MUP-a i Zapisnik Civilne zaštite Fiskalni računi kojim se dokazuje kupovina materijala	Gradska/Općinska služba za geodetske i imovinsko pravne poslove ili -Zemljišnoknjižni ured nadležnog suda -Gradska/Općinska služba za urbanizam i građevinarstvo ili -Lična arhiva -Podnosilac prijave- Pravni subjekt kod kojeg je izvršena kupovina materijala ili - Lična arhiva

e)	Prilagođavanje kupatila – samo za lica u statusu RVI sa 60% vojnog invaliditeta kod kojih je postoji oštećenje organizma donjih ekstremiteta,	Za stambenu jedinicu u individualnom stambenom objektu, priložiti: 1. kopija katastarskog plana, 2. posjedovni list) i (oba dokumenta kumulativno pod uslovom da isti glase na podnosioca prijave). Za stambenu jedinicu koja se nalazi u stambenoj zgradi, priložiti: zemljišnoknjižni izvadak ili izvod iz knjige položenih ugovora	-Gradska/Općinska služba za geodetske i imovinsko pravne poslove ili -Gradska/Općinska služba za urbanizam i građevinarstvo ili - Lična arhiva -Zemljišnoknjižni ured nadležnog suda ili - Lična arhiva

IX Rok za podnošenje prijave:

Prijava za dodjelu finansijskih sredstava za pomoć u rješavanju stambenih potreba socijalno ugoženih branilaca i članova njihove porodice po ovom oglasu za 2023. godinu, podnosi se gradskoj/općinskoj službi nadležnoj za boračko - invalidsku zaštitu.

Prijava se podnosi u periodu od 05.04.2023. godine, a zaključno sa 20.04.2023. godine,

neposredno ili na adresu:

Služba boračko-invalidske zaštite grada/općine _____
ul. _____ br. _____

NEBLAGOVREMENE PRIJAVE NEĆE SE RAZMATRATI.

**Ministarstvo za boračka pitanja
Tuzlanskog kantona**